

Gofaex Gag Gangj

—— 树 的 自 述 ——

Gou dwg gofaex maj youq ndaw ndoengfaex he, yienznaeuz gou caeuq gij faex wnq mbouj miz maz mbouj doengz, hoeng gou moix ngoenz gvaq ndaej gig cungsad gig angqyangz.

Seizcin, ngafaex gou maj ok mbaw oi, namh goekfaex maj ok go' nywj oi, henzde lij maj ok geij aen raet gig dwggyaez. "Cacaca……" fwn seizcin daeuj lo, baenz naed baenz naed fwn diuqbeiz haenx youq gwnz mbaw gou diuq hwnj diuq roengz, diuq baeg le, couh daj gwnz mbaw rod roengzbae, doek daengz ndaw rungj daxmeh daihdeih bae. Fwn dingz le, gwnz mbaw gou nem rim cawraemx ronghliklik, raq rumz he ci gvaq,

cawraemx doek roengzbae lo, doek youq gwnz "liengjva" goraet, sawj goraet bienq ndaej engqgya dwggyaez lo.

Seizhah, mbawfaex gwnz ndang gou mwncupcup lo. Nditndat ndonj-gvaq geh mbaw, ciuq daengz go-nywj unqnem gwnz dieg. Gyoengq doenghduz gingciengz daengz laj raemhfaex liengzsub haenx guhcaemz ganggoj. Gyoengqde lij youq gwnz ngafaex gou venj aen nungxnengh he, moix ngoenz cungj daeuj bi aennungxnengh guhcaemz.

Seizcou, mbawfaex gwnz ndang gou bienqbaenz saekhenj lo, gig gyaunde. Hoeng, gvaq mbouj geij

nanz, gij mbawfaex gyaunde. Neix daj gwnz ndang gou baenz mbaw baenz mbaw loeng roengzbae lo. Gvaq geij aen singhgiz, ngafaex bienq ndaej ndoqndatndat lo, gwnz dieg caeuq gwnz aennungxnengh cix bu rim mbawfaex loeng henjrwgrwg. Yawj gij gingisaek gyaunde. Neix, aensim doeknaiq gou bienq ndei haujlai.

Seizdoeng daengz lo, rumz saebaek nitgyaengj haenx ci dwk gou saenzdwdwd. Dienheiq yied daeuj yied nit, ciengz siet hung gyaunde. He laeglemx daeujdaengz lo. Siet dingz le, gou hai da yawj seiqhenz: Daengx aen seiqgyaiq cungj bienqbaenz hausag ronghsik, gwnz faex gwnz dieg cungj



bu rim siet lo. Ndit raeujrub ciuq coh daihdeih, gwnz diegsiet fat ok gij rongh yubyub yabyab, geij duz noucoengz manzgyaengj haenx youq gwnz diegsiet hausag haenx doxgyaep doxhaeb guhcaemz, louz roengz baenz coij baenz coij rizdin angqyangz.

Couh yienghneix, gou dohgvaq le bi youh bi.

(haj nienzgaep Maj Siujdingz)

Riunyumj Lauxsaed

诚实的微笑

环江思恩镇西南小学六年级 谭欣



Cuengq sujgyaj le, dah nuengxbiuj Siujvaz daeuj ranz gou guhcaemz. Siujvaz gig lauxsaed, de yienznaeuz beij gou iq song bi, danhseih gig roxsoq. De mbouj luenh cawx doxgaiq, mbouj luenh

yungh cienz.

Miz ngoenz ndeu, mbwn hwngqndat, gou caeuq Siujvaz bae haw cawx byaek. Ndaw hawbyaek vunz lai vunz daih, dou byaij daengz dan gai makyungz bae. Gou cam: "Daxgoeng, makyungz baenzlawz gai?" "Gaen maenz ndeu." Daxgoeng naeuz. Gou yawjyawj Siujvaz, de gangj: "Mbouj bengz, cawx ba!" Gou couh genj le seiq gaen, gou hawj daxgoeng haj maenz ngaenz, hoeng daxgoeng youh bouj hawj gou haj maenz. Yienzlaiz, daxgoeng dawz haj maenz dangq maenz he lo. Gou sikhaek dawz

ngaenz cuengq hauej daeh bae, rag Siujvaz deuz lo.

Youq gwnz loh ma ranz, gou daekeiq dwk gangj gienh saeh neix hawj Siujvaz nyi, gou laihnaeuz de caeuq gou ityiengh angq. Siengj mbouj daengz de doiq gou naeuz: "Mwngz baenzlawz yienghneix guh ne? Nungzminz ndaem byaek mbouj yungzheih ha, mbouj rox guh geijlai hong cij ndaej sou. Gou dawz ngaenz bae boiz hawj daxgoeng lo." Gangj sat, de daj ndaw fwngz gou dued ngaenz bae, couh buet bae coh hawbyaek lo. Gou ndwn youq gizhaenx, ndawsim gou miz cungj ienqhoij ndeu gangj mbouj okdaeuj.

Siujvaz dauqma lo, gwnz naj de loh'ok cungj riunyumj lauxsaed he. Moix baez gou siengj hwnj gij riunyumj de, couh siengj hwnj gienh saeh neix, de hawj gou roxdaengz baenzlawz guh vunz.

(指导老师: 罗少维)



Duz Meuzhau Ranz Gou

我家的小白猫

Ranz gou miz duz meuzhau ndeu, gij bwn gwnz ndang youh hau youh unq, aenda ronghliklik, diuzrieng raezrangh gig dwggyaez!

Duz meuz neix beizheiq unqswnh, de gawq dwggyaez youh dam gwn. Mwh gou gwn haeux, de couh buet gvaqdaeuj, hemq-meumeu, lumj dwg naeuz: "Gou iek lo, gou iek lo, hawj gou gwn di ba……" Gou couh aeu ndoekbya caeuq gyauejgungq hawj de gwn. Duz meuzhau neix gig diuqbeiz, mwh gwn haeux, de lij gamj bin hwnj gwnz daiz daeuj, yienghneix couh noix mbouj ndaej deng daxbuz moeb lo, meuzhau caen hojlien ha.

Meuzhau ranz gou gig dwggyaez, gou maqmuengh duz-meuz caeuq gou yienghneix ndangcangq majhung.

(ngeih nienzgaep Cau Yi)

Gou daj iq couh biz, mwh iq biz roxnyinh gig dwggyaez, hoeng hwnj siujyoz le, cij rox "biz" cih saw neix dwg vaihcawq lai, ndeicawq noix, dahraix, youh miz mazfanz lo.

Gou geij ngoenz neix fatndat, yaek daj diuqcm, hoeng, aenvih gou biz lai, moix baez daj diuqcm cungj ra sailwed gig dwgrengz. Ngoenzneix gou dwg boux daih'it daeuj daj diuqcm, ra diegninz ninz roengzdaeuj le, boux daxheiz husw couh riunyumnyum byaij gvaqdaeuj naeuz: "Siuj baengzyoux, dajcim lo!" Gou saenzdidi iet fwngz okbae, aenvih boux daxheiz husw neix miz geij baez cungj dwg de bang gou dajcim, hoeng moix baez cungj dwg deng baek song baez cim, gou couh miz di lau lo. Daxheiz husw bekbek laengfwngz gou, gij najriu haxbaenh sikhaek mbouj raen lo. De miz di yousim yawj gaiqfwngz gou, naeuz: "Caen mbouj ndei baek ha!" Gou baez dingq, couh engq lau lo: Gaej

Cungj Dwg Biz Nyex Hux

都是肥胖惹的祸



baek mbouj deng ha, mboujne youh deng baek baez daihngaih lo! Daxheiz husw gaem guenjcem, menhmenh baek hauejbae, hoeng itcig mbouj raen hoiz lwed. Seizde fwngz gou gig in, gou haeb heuj dwk, yawj bakcim youq gwnz fwngz baedauq ra sailwed, gou youh lau

youh in, sing iq cam: "Daxheiz, baek deng caengz?" Daxheiz husw aenda cim bakcim, naeuz; "Mbouj ndaej ha, mwngz biz lai, mbouj heih baek!" "A?" Gou heuh sing he, sawqmwh gamjdaengz baihnaj laepngau. Cim neix baek mbouj hauej sailwed bae, daxheiz husw hix mbouj gamj baek lo, de heuh canghyw daeuj, canghyw baek mbat he couh baek deng sailwed lo. Mwh canghyw byaij bae naeuz: "Mwngz ha, wnggai gemjbiz lo!" Gou miz di mbouj whyienz riu lo.

Hai, yawjdaeuj caen yaek gemjbiz lo, gemjbiz le couh mbouj yungh souh gij coih neix lo. Cungj dwg biz nyex hux, biz le couhdwg mbouj ndei ha!

(sam nienzgaep Lij Gyahsui)